


# სადაღომოს კვერცხი



სადაღომოს კვერცხი.

№  
21

1920 წ.  
 აპრილის 1



სპეკულიანტი. მე არ მიყვარს დედალსავით კაკანი: ჩუმაღ ვღებ სააღღომო კვერცხსა. დეე, მუიღველი ახმაურდეს და აკაკანდეს, ამ კვერცხის ფასს რომ გაიგებს..



# ღია წერილი სოლომონ ზურგიელიძეს

(მომენტის შესახებ)

სოლომონ! დიდთა მგოსანთა შორის ჩირაღდნად სობილო,  
 შენა ხარ ჩემი ნუგეში, მოკრძალოვით გეტყვი, ძმობილო,  
 შენკენ ისწრაფის გონება ჩემი, ვით ავტომობილო  
 შენ შეივრდომე ბედკრული, ჩვენად ვარსკლავად ხმობილო.

ახალი წელი... აღდგომა... დღენი ტკბილ სანეტარონი  
 ჩემთვის გამხდარან მარად ჟამ მწუხარებისა წყარონი  
 არსით ამბავი, არ ცნობა გულისა გასახარონი,  
 თუ შენ არ მიხსენ, ისა სჯობს რო გამითხარონ ხარონი.

მიბრძანეს წერა ამბისა, საამო მოსასმენისა  
 მე კი, ვით მუნჯი შეგყურებ, დაძვრად არ ძალმიძს ენისა,  
 კვალად შენ უნდა შეგჩივლო ამბავი დღისა ჩვენისა  
 ყური მათხოვე, სულმნათო, ძალა თუ შეგწვეს სმენისა.

შენ მოგახსენებ ყველაფერს, რაც გულში დანაგუბარა.  
 (თუ სხვათა კრძალვა არ მქონდეს, გავსკდები ვითა ყუმბარა).  
 „დუშაშ“ ვილოდი, მნათობო, გამომიგორდა „დუბარა“  
 არც ხალილ ფაშა დამზოგავს, არცა თუ ფაშა ნუბარა.

ანტანტა გაჩნდა რალაცა, დასავლეთ ევროპაშია,  
 ჯერ მისებურათ ამ სოფლად არავის უბარაშია.  
 წელიწადია ქეიფობს, სჭამს რაც მოხვდება ყბაშია  
 თვით პრეზიდენტი ვილსონი, იმისი ტოლუმბაშია.

იმა ანტანტას საბჭოც ყავს, „უმალღეს საბჭოთ“ რქმეული.  
 მას უნდა: მხარე ბათუმის ჩვენგან ჰყოს ჩამორთმული,  
 რა დაფუშავეთ არ ვიცი, არა ვართ გამორკვეული  
 ან მოსყიდული ვინმეა, ან შურით გადარეული.

შენ კარგათ იცი, სოლომონ, ბათუმი რარიგ გვეჭირია,  
 მთელი ქვეყანაც რო მოსდგეს, დათმობა გასაჭირია,  
 ანტანტის დადგენილება ასე ვთქვათ გასაკვირია  
 მიკვირს თუ კრება მაღალი ამ რიგათ ვითა ირია.

არ ჰშვენის ინგლისს, ქართველთა წარსტაცოს ნავთსაყუდარი,  
 (ერთი გვაქვს სანაპიროზე სხვათა ბოღაზთა უდარი)  
 ჩვენ მასთან ჩხუბი არ გვარგებს, არც შეგვშვენს ხვეწნა მუდარი  
 გვაქვს მხოლოდ წყრომა უზომო ჩვენ გულში დანაბუდარი.

შარშან მოგწერე წერილი, მგოსანთა შორის დიადო,  
 პასუხს ველი და ვერ ვხედავ, გსურს გული დამიწყვდიადო,  
 მომწერე შენი ჭირიმე, მოლოდინე ვარ ფრიადო,  
 ეგ ერთი მიჩანს, ხომ იცი, ვარსკლავი საგანთიადო.

მაშინა გწერდა, სულმნათო, რუსეთის ბედსა მწარესა...  
 მას შემდეგ, იმა რუსებმა დიდძალი სისხლი ღვარესა,  
 მოყვრები შემოირეკეს, მტრები კი გაახარესა,  
 უწესოების წესრიგი შინ მკვიდრათ დაამყარესა.

ლენინმა სძლია დენიკინს, კვლავ ისიც დენიკინია,  
 ხალხს რუსეთისას, ასე ვთქვათ, გადაუბრუნდა ტვინია  
 მუსრავენ ერთი მეორეს, რათა მოიკლან თინია...  
 ორი წელია გულმშვიდათ იქ არვის დაუძინია.

დღეს, ზღუდეს საქართველოსას ჯარი არტყია რუსისა.  
 გუშინ თუ დენიკინობდა, დღეს ის ლენინმა უსისა  
 არ ზოგავს ქალსა, არც ბავშვსა, წითლათა ღებავს რუს ისა  
 დღე სძინავს, ლამით მძარცველობს... ამით ვამსგავსე ბუს ისა.

არ გასწორდება ქვეყანა, სოლომონ, თვალო ერისა,  
მუდამ დაურჩეს სიკეთეს სოფლად სიმრავლე მტერისა,  
არ გვეშინია მახვილის ლენინის მონადერისა  
ხმას შევეჩვიეთ ტყვიისას და იარაღთა ღღერისა.

სიღუბქირე ცხოვრებისა შენ კარგათ გაქვს შენათვისი  
რას გვეჩიან ეგ რუსები, ვერ გავიგე აზრი მისი,  
ჩვენთვის ვზივართ, არვის ვებრძვით, არაფერი გვინდა სხვისი  
გაჭივრებულს ვებმარებით რაოდენ არს შესაძლისი.

დენიკინის არ მიკვირდა ყოყოჩი და ფახი-ფუხი  
ღრინავდა და მურათობდა მთის გადაღმა დათვი რუხი,  
ჩვენწილ მხოლოდ მუქარაზე და მტრობაზე იყო უხვი  
წიწილების მოგროვებას აპირებდა ვითა კრუხი.

ლენინს ვამბობ, ულიანოვს, „სოციალიზმს“ რო ამყარებს,  
ჩვენ წილ, ვითა დენიკინი, ისიც შეფოთავს და მქუხარებს  
თუკი შესძლო, არ მოგვეაკლებს ასაკლებად წითელ ჯარებს  
და როს მოგვესპობს... ჩვენს საფლაფზე ალბათ ისიც გაიხარებს.

მაგრამ შენ თვით მოგხსენდება, ქვესკნელთა და ცათა მხედო,  
სწავლება და მითითება მითხარ ვითა გაგიბედო,  
რომ სიტყვები ლენინისა ის არ არის რაც გულს ედო  
მას დაპყრობა ჩვენი უნდა, ჩემო გვრიტო, ჩემო მტრედო.

იმპერიალისტი გახდა ის ლენინი დიდთა დიდი.  
ოსმალეთის დასაპყრობათ ჩვენზე უნდა გასდოს ხიდი.  
ბურგალობა მთელს რუსეთში დენიკინის გადაშკიდი,  
ახლა ცენტრი მოითავა, დარჩა მხოლოდ განაკიდი.


მაგრამ რუსეთს აღელვებულს რა დაამშვიდ დააწყნარებს?  
ტალღა ტალღას ეკიდება, უხვად იშრობს სისხლთა ღვარებს ს  
დენიკინსა მახნო შესცვლის, მეფის სურათს წაიმძღვარებს  
რუსის გლეხი მასაც ისე, ვითა ლენინს შეიყვარებს!

ან კი რა ჰქნას უბედურმან, გაეგება მეტი ვერა,  
ვინაც ძალით დაიმონებს მას ემბრობა, მისი სჯერა,  
ამით ურცხვად სარგებლობდა ყველა ფლიდი, გაიძვერა  
შავი იყო, თუ ყვითელი, ან თუ კიდევ წითელ ფერა.

(შემდეგი მეორე აღდგომას)

ეშმაკი.





# შეცდომა.

— მარტის 4-ს ქართულ კლუბის დარბაზში შესდგება მორწმუნეთა კრება.

— მარტის 4-ს ქართულ კლუბის დარბაზში გაიხსნება ქართულ მწერალთა კონფერენცია.

(გაზეთის ქრონიკადან).

ბზობა დილით დედა ღვითისა მივიდა იესოსთან და უთხრა:

— უფალო და ძეო ჩემო! შენ იცი, რომ ჩემს წილხვედრილ საქართველოში ამ ყამად დამოუკიდებელი ეკლესიაა. დღეს თბილისში მართლმორწმუნეთა კრებაა. კანდიერებაში ნუ ჩამომართმევ და თუ არ შესწოხდები, წადი, დაესწარი ამ კრებას. დიდი ხანია იქაური საეკლესიო ამბების არა ვიციოთ რა...

იესო დასთანხმდა, დაბრძანდა ვერცხლის ღრუბელზე და დაეშვა.

მორწმუნეთა კრება ქართული კლუბის შენობაში იყო დანიშნული და იესოც პირდაპირ ქარვასლის ეზოში ჩამოეშვა.

— მგონია აქ უნდა იყოს კრება?—ჰკითხა მან შევეიცარს, კლუბის შენობაში რომ შევიდა.

— დიად, აქ გახლავით.

— მასწავლეთ სად უნდა წავიდე.

— კიბეზე რომ აბრძანდებით. მარცხნივ შეუხვიეთ: პურის საჭმელ დარბაზში გახლავით, აუხსნა შევეიცარმა.

დარბაზი ხალხით საგვს იყო, ასე რომ იესო თითქმის შეუმჩნევლად შევიდა, იბოვა თავისუფალი სკამი და დაჯდა.

— საშას გაუმარჯოს! — მოესმა იესოს მარცხნიდან და მიიხედა.

— უკაცრავად, აბაშელი მეგონეთ!—წაილულულა მეზობელმა: ძალიან ჰგავხარ... თქვენ აქაური არ უნდა იყოთ... პროვინციიდან იქნებით.

— დიად,—უპასუხა იესომ.

— ბოდიშს ვიხდი: თქვენი გვარი?

— ღურგლიშვილი, ბატონო,— მცირე პაუზის შემდეგ უპასუხა იოსებმ.

— ღურგლიშვილი... ღურგლიშვილი... თქვენ არ უნდა იყოთ სიაში გამოცხადებული... რალაც არ მახსოვს ასეთი გვარი... უკაცრავად: თქვენი ფსევდონომი?

იესომ ბერძნული კარგათ იცოდა და მიხვდა, რომ ფსევდონიმი ცრუ სახელს ნიშნავდა; ამასთანავე მოაგონდა, რომ პირველ საუკუნეებში, როცა ქრისტიანებს სდევნიდენ, მორწმუნენი ხშირად ირქმევდენ ხოლმე მეტ სეხელებს და იფიქრა, ეს ჩვეულება დღემდოსაც შერჩენიათო.

— ჩემი ფსევდონომი „მოვლინებული“ გახლავით. უპასუხა მან.

— მოვლინებული...—გაიმეორა მეზობელმა უკვე ფსევდონომია სიაში. თქვენ უნდა განაცხადოთ და სიაში შეგიტანენ.

იქამო შეამჩნია, რომ მის მობაასეს გულზე ვერცხლის პატარა ჯვარი ჰქონდა მიბნეული, სხვას კი ასეთი ნიშანი ვერავის დაუნახა. „სჩანს, წარჩინებული მორწმუნეაო“, იფიქრა და გაუბედავით ჰკითხა;

— თქვენ ვინა ბრძანდებით, ბატონო?

— არ მიცნობთ?—გაკვირვებით და თითქოს რაღაც სიბრალულით შენიშნა ჯკრიანმა: მე იოსებ იმედაშვილი ვარ, არიმათიელი.

— უკაცრავად კი არ ვიყო და ეგ ჯვარი რა არის?—კვლავ ჰკითხა იოსებმ.

— ეს სომხების ომში მივიღე ჯილდოთ.

— როგორ? თქვენ იბრძოდით? ხალხი დახოცეთ?—გულნატკენათ წაჰოიძახა იესომ.

— არა... მოკვლით არავინ მომიკლავს...

— ჰო, მიგხვდი: მაშ მიტომაც დაუჯილდოვხართ, რომ არავინ მოგიკლავსთ, შენიშნა, დამშვიდებულმა იესომ.

ამასობაში კრებაც გაიხსნა და პრეზიდიუმს არჩევას შეუდგენ.

იესომ დამსწრე ხალხის დათვალერება დაიწყო. არავითარი მსგავსება არ იყო ძველ მორწმუნეთა და ამათ შორის. პირველ ქრისტიანების აღზნებულ თვალეზო, ზეგარდმო შთაგონებული და გულთა მხილავი, ისე ჰგავდა ამათ დამქრალსა და უტყვე თვალეზს, როგორც ალმასი მინას, როგორც ცეცხლი ცინოლს. არავის სახეს არ ეტყობოდა ის გატაცება, ძლიერი რწმენა და შინაგანი ძალის, ანუ სპეტაკი სულის ბეჭედი, პირველ ქრისტიანებს რომ ახასიათებდა. სახს მეტყველების მიხედვით ახალი მორწმუნეები სამ ნაწილად იყოფოდენ: პირველი ნაწილი—მოხუცები, რომელთა სახეზე ეწერა: „ჩვენ ჩვენი გზა განვლეთ, დავიღალენით. ეხლა ჯვარი თქვენზეა, ყმაწვილებო!“ მეორე ნაწილი—შუა ხნისანი: ამათ სახეს არაფერ ეტყობოდა გარდა ყოველ დღიურ ვარამისა და ჰაან-წყვიტისა: „პური ჩვენი არსებისა მომეც ჩვენ დღეს!“ ლოკულობდენ მათი თვალეზი. მესამე ნაწილი—ახალგაზრდები: ესენი ისე ჰგავდენ კმაყოფილსა და თავმომწონე მამლაყინებს, რომ ასე გეგონებოდა: აი, ამ წუთშივე ყივილს მორთავენო. „ჩვენა ვართ რაცა ვართ, დანარჩენები მიჰქარავენო“, ამბობდენ მათი თვალეზი.

იესოს რალაც სრულიად უჩვევი უსიამოვნო გრძნობა დააწვა გულზე და მიხვდა, რომ ეს გრძნობა საშინელი მოწყენილობის გრძნობა იყო. 2000 წლის განმავლობაში მან აი, აქ, ამ კრებაზე განიცადა პირველად ეს გრძნობა და ისე შეაწუხა მან, რომ კინალამ გაიმეორა გეთსამანის ბაღში ათქვამი სიტყვები: „შეწუხებულ არს სული ჩემი ვიდრე სიკვდილაშდე“.

კრება დაეწყოთ კიდევ და სიტყვას ამბობდა ვიღაც მოხუცებული კაცი, იესოს ერთ-ერთ საყვარელ მოწაფეთაგანის სეხნია, რომელიც ამტკიცებდა, რომ მეთორმეტე საუკუნის მწარალი შოთა რუსთაველი დღევანდელ ახალგაზრდა მწერლებზე უფრო კარგათ სწერდა და „ვეფხისტყაოსანის“ კითხვა სასარგებლოა...

— თქვენ არ განაცხადეთ, ბატონო ღურგლიშვილო, რომ სიაში არ ხართ შეტანილი? — სრულიად მოულოდნელათ ჰკითხა იესოს იოსებ არიშთიელმა. არც კი დაუცდია პასუხისთვის, წამოიჭრა ადგილიდან და დაიყვირა:

— ბატონო თავმჯდომარე! გთხოვთ შეიტანოთ სიაში ახალგაზრდა მწერალი ღურგლიშვილი, ფსევდონიმი — მოვლინებული, პოეტი, დრამატურგი და აგრეთვე ბელეტრისტი, „თეატრის და ცხოვრების“ თანამშრომელი.

სწორედ ამ დროს, იესომ ყური მოჰკრა, ვიღაც ახალშემოსული კაცი სიცილით ეუბნებოდა მის უკან მჯდომ ახალგაზრდას:

— კაცო, დასწყევლოს ღერძმა, მოდი და ნუგაგეცინება! მთელ ნახევარ საათს ვიჯექი მორწმუნეთა კრებაზე, სრული დარწმუნებული, რომ მწე-

რალთა კრება იყო. კათალიკოსი რომ არ შემოსულიყო, ეხლაც იქ ვიქნებოდი!

— რას, ამბობ, კაცო? თუმცა რა გასაკვირალია!.. დიდი განსხვავება არ უნდა იყოს! — ხარხართ უბასუხებდა მეორე.

— უკაცრავად, სად არის, ბატონო, მორწმუნეთა კრება? — მიმართა იესომ ახალშემოსულს, რადგან მიხვდა, რომ თითონაც შეცდომის მსხვერპლი იყო.

— აი აქეთ, ბატონო, სათეატრო დარბაზში, უბასუხა მან.

იესოს გულზე მოეშვა, ფიცხლავ ადგა და მორწმუნეთა კრებაზე გაეშურა.

რაც მოხდა იესოს წასვლის შემდეგ, და რაც მოხდება ამიერიდან ქართულ მწერალთა კონფერენციაზე, ამას შემდეგ მოვახსენებ მკითხველს, ახლა კი ვევედრები ყოვლად მოწყალე იესოს, შემინდოს და მომიტევოს, რომ ქართველ მწერალთა კრებას დავასწარი. ამ ჩემს სასტიკ ცოდვას საფუძვლიანი გასაპართლებელი საბუთი აქვს: სადღგომო თემა სხვა პირველ მოთხოვნილების საგანზე არა ნაკლებ გაგვიძვრდა და ხელმოკლეობის გამო იძულებული ვავ დი ამ თემით როლად წავს ლიყავი.

თავუნა.

### ნიკორა.

დღეს ყველას ენაზე აკერია ნიკორას ამბავი. არ არის ისეთი კაცი, იმას რომ არ ჰკიცხავდეს იმ საქციელისათვის, რომელიც სახელმწიფო თეატრში ჩაიდინა ამას წინათ. ხალხი მუდამ აგეთია: ოღონდ გასაკიცხი და ყბად ასაღები კი იშოვონ რამ, და მიზეზის განხილვას ვინ-ღა დაგიდევს. მოვალეთ ვთვლით ჩვენს თავს, ნიკორას უბრალოდ გატეხილი სახელი აღვადგინოთ და მკითხველ საზოგადოებას დავწრილებით მოვახსენოთ ის ამბები, ნიკორას „გასაკიცხი“ საქციელი რომ გამოიწვია.

ერთხელ ქუჩაში ხალხის ჯგუფს მოჰკრა თვალი. ნიკორა მივარდა და დაინახა, რომ ვიღაც ცოცხალ-შკვდარი კაცი ქუჩაში ეგდო და ეს ხალხი გარს ეხვია. — რაამბავია? იკითხა აღელვებულმა ნიკორამ. — ავტომობილმა გაიტანა საწყალი... წვრილ-შვილიანი კაცია. შიმშილით დაეხოცება ოჯახი, — უბასუხა ვიღაცამ. ნიკორას კეთილი გული სიბრალულთათვის იესოს, მოტრიალდა ნიკორა, იშოვა სადღაც ფულის საკრები ყულაბი და შეუდგა ავტომობილით გატანილ კაცის ოჯახობის სასარგებლოთ ფულის შეგროვებას.




რუსთაველის პროსპექტზე მიცვალბულს მისვენებდნენ და უკან დიდ-ძალი ხალხი მიჰყვებოდა. აი სად შეეწვია ბევრს, — გაიფიქრა ნიკორამ.

— ვაიმე, ვაიმე! რა მამა დავკარგე მე უბედურმა! — მოსთქვამდა გულ მოსაკლავად მიცვალებულის  
ქირისუფალი.

— თქვენ დიდი უბედურება შეგმთხვევიათ, ქალბატონო, მაგრამ ნუ იქნებით ეგოისტი; სწორეთ  
ასეთივე უბედურება დაატყდა თავს იმ ოჯახს, რომლის მამა დღეს ავტომობილმა გაიტანა, ჩაიკალთ  
გულში თქვენი პირადი გრძნობა და შეეწიეთ უპატრონოთ დარჩენილ წვრილ შვილებს, — უთხრა  
ნიკორამ მას და ყულაბი გაუწოდა.

— ყმაწვილო, თქვენ გიყი ხომ არა ხართ? არ იცით, რომ აქ მაგის ადგილი არ არის? — მოესმა  
ნიკორას მრისხანე ხმა და ვილაკას ღონიერმა ხელმა მაგრათ უბიძგა.

ნიკორას ფრიად გაუკვირდა ეს ყოველად უცნაური საქციელი.



ნიკორა გამოტრიალდა თვალი მოჰკრა ათიოდე ეტლს, რომლებმაც ზედი ზედ ქაშვეთის ეკლესიის-  
კენ შეუხვიეს. ჯგრის დასაწერად მიდიან, — გაიფიქრა ნიკორამ და საჩქაროთ გაექანა ქაშვეთში.

— გსურს? — ჰკითხა მღვდელმა სიძეს.

— მსურს, — უპასუხა სიძემ.

— გსურს,? — ჰკითხა ახლა პატარძალს.

— მსურს, — უპასუხა ამანაც.

— მე ვიცი, რომ თქვენ ორთავეს გსურთ, ჩაერია ქაქანიტ შემოჭრილი ნიკორა, მაგრამ ამ  
სქესობრივ ალტყინების დროს არ უნდა დაივიწყოთ ის უპატრონო ოჯახიც, რომლის მარჩენელი  
მამა დღეს ავტომობილმა გაიტანა: შეეწიეთ ბატონებო! და ყულაბი გაუწოდა.


— გაიყვანეთ ეს ვილაკ გიყი პოთრეულა, უდიერათ ბრძანა მღვდელმა და გაკვირებული  
ნიკორა რალაც მანქანებით უცებ ეკლესიის ალაყაფის კარებთან გაჩნდა.



ნიკორა ისევ რუსთაველის პროსპექტზე გამობრუნდა. აქ მან დაინახა, რომ ვილაკ კაცმა საში-  
ნელის გამომეტყველებით გადაირბინა ქუჩის ქვაფენილი და ეზოში შევიდა. — ვერ გამეჩქევი! — გაი-  
ფიქრა ნიკორამ და გამოუდგა...



— თქვენ აქ ბუნებრივ მოთხოვნილებას იკმაყოფილებთ, ბატონო ჩემო, და ის საბრალო... არ გაგონდებათ, როლის მამაც დღეს ავტომობილმა გაიტანა, შეეწიეთ—უთხრა ნიკორამ და ყულა-ბი გაუწოდა.




პირში ჩალა გამოვლებული ნიკორა ის იყო ეზოდან უნდა გამოსულიყო, რომ უცებ სახლის პირველ სართულიდან რაღაც ხმაურობა და ხარა-ხური მოესმა. ნიკორამ არც აცივა, არც აცხელა და შიგ იმ ოთახში შეიჭრა, საიდანაც ხმაურობა ისმოდა. ორი ახალგაზრდა პოეტი ერთმანერთს თავ-პირს ამსხვრევდნ და მარჯვე დროს ეძებდნ, რომ ყელში წაეველოთ ხელი დასახრჩობათ!

— ჰა, შე უნიჭო! ჰა, შე უნიჭო! ხაველით ამბობდა ერთი და უბაყუნებდა.

— შენი ლექსები კოშმარია!.. კოშმარია!.. კოშმარია!—უბასუხებდა მეორე ქვეშიდან და უბაყუნებდა.

— შოთმინეთ, ყმაწვილებო! თქვენ არა გაქვლ უფლება ერთმანეთის სასიკვდილოთ გამეტების-ვიდრე კაცობრიული ვალი არ მოგიხდიათ! ჯერ შეეწიეთ იმ უმწეო ბავშვებს, რომელთა, მამა დღეს ავტომობილმა გაიტანა და შემდეგ შეგიძლიათ დამშვიდებულ სინდისით მოჰკლათ ერთმანეთი? უთხრა მათ ნიკორამ.

პოეტებმა თავი დაანებეს ერთმანერთის ზურგს და მოკმედება ნიკორას ზურგის ტერიტორიაზე გადაიტანეს.



განცვიფრებული და დაბევილი ნიკორა საავადმყოფოში წავიდა ნაღრმობი მარცხენა მკალვის ჩასაგდებათ. მკლავი რომ ჩაუგდეს და გამოსვლას აპირებდა, შეამჩნია რომ ერთ ოთახთან რაღაც ფატი-ფუტი იყო.—იქნება აქ შეეწიონ, გაიფიქრა მან და შევიდა. საოპერაციო მაგიდაზე გაბანგული



ავადმყოფი იღო. ექიმები გაფაციცებით მუშაობდნენ, რადგან რამდენიმე წუთი რომ დაჰგვიანებოდათ, ავადმყოფი ვერ გადაიტანდა ოპერაციას.

— თქვენ გინდათ სიცოცხლე დაუბრუნოთ და გაჰკურნოთ სნეული ადამიანი და ის კი არ გაგონდებათ, რომ სრულიად საღ ბავშვებს, რომელთაც არავითარი სენი არა სჭირთ, შიმშილით სიკვდილი ქოელის, რადგან მათი მარჩენალი მამა დღეს ავტომობილმა გაიტანა. შეეწიეთ. — უთხრა ნიკორამა და ყულაბი გაუწოდა.

აქაც მარცხით გამოისტუმრეს ნიკორა.



საავადმყოფოდან რომ გამოაგდეს, შეღამებულოყო კიდევ. ნიკორა აღექსანდრეს ბალით წამოვიდა ზევითკენ. ერთ სკამზე ქალ-ვაჟი იჯდა და თუმცა ორნი იყვნენ, მაგრამ როგორღაც ისე მოეხერხებიათ, რომ ერთ სხეულსა ჰგავდნენ.

- რას შევები! მე მაგას შენგან არ მოველოდი.. ჩურჩულით ამბობდა ქალის მიბნედილი ხმა.
- ერთი კიდევ.. ერთი.. გენაცვალე!.. ასე! მიყვარხარ!.. ძლივს!.. ლულლულებდა კაცი.
- შემირთავთ? დამიფიცეთ, შემირთავთ? ჰკითხავდა ქალი.
- გეფიცები ცოლ-შვილს, შეგიერთავ! — უბასუხებდა კაცი.

ჩურჩული რომ მიწყდა ჰაერი ნიკორას ბარიტონმა გაარღვია.

— თქვენ ნება არა გაქვთ, ზნეობრივ გზას ამცდარნო ადამიანნო, სიტკბოებას მიცემთ მაშინ, როდესაც ავტომობილისაგან გატანილი კაცის წვრილი შვილები შიმშილით იხოცებიან. შეეწიეთ! — და გაუწოდა ყულაბა.

- ქალ-კაცი ერთმანერთს მოსწყდნენ და ზეზე წამოვარდნენ.
- უნამუსოვ! — გაისმა ქალის ხმა და რაღაც საეჭვო ტლაშანი მოჰყვა.
- არამზადვ! — დაიგრილა ვაჟა და ლაწანი მოისმა.



აღექსანდრეს ბალიდან ნიკორამ დაინახა სადგურის მხრივ ცერხლის ალი და შავი-კვამლი. იწვის, გაიფიტრა მან: იქ წავალ! და გაიტკა იქითკენ, სადაც ტეცხლი მოსჩანდა.






15 წუთის შემდეგ სირბილით დაქანებული ნიკორა ცეცხლ მოკიდებულ სახლზე მიდგმულ კინოკამერათა ბეზე აღიოდა.

— მიშველეთ! ბავშვები მეწვის მიშველეთ!— გიყვირთ მიძახა ნიკორას ფანჯრიდან სასოწარკვეთილმა ხმამ.

— უკაცრავათ! თქვენ მხოლოდ თქვენი საკუთარი ბავშვების გაჭირვება გაწუხებს და ის გავიწყდება, რომ ამ წუთში შიმშილისაგან ილაჯ წართმეული ჰყრიან ის ბავშვები, რომელთა მამა ავტომობილმა გაიტანა. შეეწიეთ!— წარმოსთქვა ნიკორამ და ყულაბი მიაწოდა, მაგრამ, რალაც მიზეზით ქვასავით წამოვიდა ქვევით და კიბის ერთ საფეხურს რომ არ ჩამოჰკიდებოდა, ტვინს დაანთხევდა მიწაზე.



ქალაქის მცხოვრებთა სიავით გულგატეხილ ნიკორას სოფლის გულღია და გაუფუჭებელი ხალხი მოაგონდა. სადგური ახლოს იყო. ჩაჯდა მატარებელში და გასწია სოფლისაკენ. გზაში, ვნახოთ, უეცრათ მატარებელმა მოწყვეტივ გააჩერეს. — კაცი გაქულიტა! კაცი გაქულიტა! — გაისმა აქეთ იქიდან მგზავრების ყვირილი. ნიკორას სასწრაფოთ ჩამოეშვა ვაგონიდან და უკან გაიქცა ლიანდაგზე. მარტლაც მატარებელს ვილაც კაცი გაეტანა და ცალი ფეხი მოეჭრა.

— თქვენ იტანჯებით, მეგობარო! — დაიწყო ნიკორამ: მე მესმის თქვენი ტარნჯვა, მაგრამ ნუ დაივიწყებთ, რომ ის მხოლოდ ფიზიკურია მაშინ, ოდესაც იმ საბრალო ბავშვებს, რ-მელთა მამა დღეს ავტომობილმა გაიტანა, მოელის არა მარტო ფიზიკური, არამედ ზნეობრივის სულიერი ტანჯვა წამებაც. შეეწიეთ! — და გაუწოდა ყულაბი.

ფეხ გადაჭრილმა ერთი საშინლად დაიკვნესა, მოიკრიბა რაც ძალი და ღონე ჰონდა, აიღო თავისი მოჭრილი ფეხი და შიგ სახეში სთხლიშა ნიკორას.

რა მოხდა შემდეგ, ნიკორა რომ თბილისში დაბრუნდა ყველამ იცის: რაკი ერთიც ვერ იპოვა ისეთი ადამიანი, რომელსაც გულის მაგიერ მკერდში ქვარ სდებოდეს და უბრალო კაცთმოყვარეობის გრძნობა შერჩენოდეს, ნიკორამ გადასწყვიტა ჩვენი საზოგადოების საჯაროთ მხილება, ხოლო სად უნდა ეპოვა ეს სამხლიებელი საზოგადოება ერთათ თავშეყრილი, თუ არ თეატრში. აღშფოთებულმა ნიკორამ დააშადა მშვენიერი სიტყვა და გასწია სახელმწიფო თეატრში. იმ საღამოს „ჰუგენოტებს“ თამაშობდენ მიშელ დარიალის მონაწილეობით. უკანასკნელ მოქმედებაში, სწორეთ იმ დროს როდესაც თავდავიწყებული ნანობაშვილი უმღერდა თავის სატრფო si-ბემოლიან „მითხარი კიდევ, რომ გიყვარვარ“, სცენაზე შემოიჭრა გააფთრებული ნიკორა, მოვარდა რამპასთან, გასწია რაული და დაიწყო: „გულქვა საზოგადოებაე!..“

აღარ დასცალდა. ამფითეატრის უკანასკნელ წყებიდან წამოვიდა კ. ფოცხვერაშვილის ხელი, სწვდა საბრალო ნიკორას და გადმოსვა სცენიდან.

ეხლა თქვენ თითონ ბრძანეთ, განა გასაკიცხია კეთილშობილი ნიკორა?

# პატარა ფულეტონი

## მომასწრეს!

ვინ იცის რამდენჯერ მითქვამს, მაგრამ ერთხელ კიდევ გავიმეორებ, რომ ახალი წლის დღესასწაული ჩემი ტანჯვაა, ხოლო აღდგომა კი ტანჯვაწამება.

სამწუხაროთ, დამფუძნებელ კრებაში არც ერთ გავლენიან პირს არ ვიცნობ, თორემ იმ უქმე დღეთა სიაში, რომელიც მან მოსპო, აღდგომასა და ახალწელიწადს უთუოდ შევატანიებდი.

მე მეტსაც ვიტყვი. მართალია წმინდანი არა ვარ, მაგრამ დიდ მორწმუნე კაცად მაინც მიმაჩნია ჩემი თავი და მიუხედავად ამისა რამდენჯერ განვიზრახე რჯული გამომეცვალა, მაჰმადიანობა მიმელო, რომ ამ გზით ეს ორი აბეზარი დღე თავიდან მომეშორებია აშკარათ ვამბობ, რომ ამგვარ გადაწყვეტილებასთან მრავალ კოლიანობის სურვილს არაფითარი კავშირი არა ჰქონია, ის პირდაპირ ზემოხსენებულ მიზნით იყო გამოწვეული.

მიზეზი ამ სიძულვილისა გახლავთ საახალწლო და სააღდგომო ნომრების შედგენა. საზოგადოებაში დამკვიდრებულია აზრი, რომ ახალწელიწადსა და აღდგომას „ეშმაკის მათრახიც“ „ეშმაკის მათრახს“ არა ჰგავდეს, რომ ის სადღესასწაულო იყოს. ეს კი ჩვენ, მის თანამშრომლებს, ძლიერ უხერხულ მდგომარეობაში გვაგდებს, ვინაიდან ეს პატივცემული დღეები ზოგჯერ ისეთ უხერხულ დროს გამოეჩხირებიათ ხოლმე, როცა სადღესასწაულოთ სრულიადაც არა გცალია.

სააღდგომო ნომერი განსაკუთრებით ძნელია, ვინაიდან გაზაფხულის პირად გვიწევს მისი შედგენა და ხომ მოგეხსენებათ ამ თვალწარმტაც დროს აღამიანი ძნელათ დაუდებს ხოლმე გულს საწერ კალამსა და ქალაქს. ჩვენ ამ დროს, როგორც სხვანი ყველანი „ბუნებაში შევდივართ“

ჩვენს რედაქციას ასეთი გასაჭირისათვის ორი გამოსავალი აქვს და ვაი იმ თანამშრომლის ბედი, რომელიც ერთ-ერთ ამ გამოსავალს დროზე ვერ მონახავს. ეს მდგომარეობა დაახლოებით სააღდგომო სტუმრების მოწვევას მოგვაგონებს.

რამდენჯერ ამიტანია უსამართლო საყვედური ჩემი კარგი მეგობრებისა:—რა დაგემართა, კაცო, ამ დღესასწაულზე ჩემთან ერთი ქიქა ღვინო არ დალიე, შემომჩივლებენ ხოლმე ისინი.—რა ვქნა, ჩემი კარგო, ვუპასუხებ მე,—ვისაც ჩემი სტუმრობა უნდა, ის ერთი კვირით ადრე შეუბნება, შენ სხვებმა მოკასწრეს. ამგვარი მედიდურებით ვაძლევ ხოლმე პასუხს სხვა დანარჩენებსაც.

მაგრამ როგორც ვხედავ წერის საგანს გადავცდით. ის ორი გამოსავალი, რომლის შესახებაც მე ზემოთ მოგახსენეთ გახლავს: იესო ქრისტე და სო-

ლომონ ზურგიელიძე. თითქმის ყველა ტვირთ მიძიე და გაქირვებული ჩვენი ჟურნალის რედაქციიდან ან ერთს, ან მეორე გამოსავალს მიმართავს ხოლმე.

მეც პირველ ყოვლისა სამოთხის კარებს მივუკაკუნე და პეტრე მოციქული გამოვიძახე.

— ვინ გნებავთ? იყო ხმა შიგნითგან.

— გააღეთ ბატონო კარები და მოგახსენებთ.

— კარის გაღება შეუძლებელია, მომიგო პეტრემ,—ხომ ხედავ აქედან ბალშევიკები გვყავს მომდგარი, იქიდან ინგლისელები. გვითხარით ვინ გნებავს.

— იესო ქრისტე მინდა სულ ორიოდ საათით დაბლა ჩავიყვანო.

— რა საქმეზე?

მე სირცხვილით დავიწვი. აღარ ვიცოდი რა მეთქვა. როგორ გამეჩხილა, რომ რაღაც უბრალო ფულეტონისათვის მსურდა მაცხოვარის ზეციდან დაბლა ჩამოყვანა. ეს იმასა ჰგავს რომ ორიოდ ოთახის გულისათვის ნოცე ჟორდანია შეაწუხო. მალე გამოვერკვიე და მიზეზიც მოვიგონე.

— მინდა რომ ჩვენი სამღვდლოება ინახულოს და...

— თქვენ დაიგვიანეთ, ბ-ნო მორიელო, იესო ქრისტე ამ მიზნით უკვე მიიპატიეთ თქვენმა ცნობილმა თანამშრომელმა თავუნამ.

თავზარი დამეცა! მართალია თავუნასაც ჩვენი ჟურნალისთვის უნდა გამოყენება ამ ძვირფასი სტუმრისა, მაგრამ მე მაინც ჩემი უმწეო მდგომარეობა მაწუხებდა. რამდენი ტკბილი სიტყვა მე იმ თავუნას გავუზავნე იმდენი სიკეთე თქვენ, ჩემო მკითხველო, მაგრამ ეს საქმეს მაინც არ უშველიდა, გადავწყვიტე მეორე გზის ცდა.

— უკაცრავად, ბ-ნო პეტრე, მაგრამ ნუ დაიზარებთ, დამავალეთ, და ერთი ბ-ნ სოლომონს დაუძახეთ.

— რომელ სოლომონს, აქ სოლომონი ათასია.

— რასაკვირველია სოლომონ ზურგიელიძეს, მე სხვებს არც კი ვიცნობ,

— რათ გნებავთ?

— მინდა ამ დღესასწაულებზე ერთი დაბლა ჩავიყვანო, რომ ჩვენი რესპუბლიკის მოღვაწეებს გზა უჩვენოს და დარიგება მისცეს.

— ჩინებული განზრახვაა, მაგრამ აქაც დაიგვიანეთ. ბ-ნო მორიელო. სოლომონს სათქვენოდ აღარ სცალია.

— რა დაემართა, ავად ხომ არ არის, ბ-ნო პეტრე?

— არა, ჩემო კარგო, წერილსა კითხულობს.

— ნეტავ რა წერილია?..

— ბ-ნ ეშმაკს მოუწერია.

— მთელი წელიწადია მას შემდეგ და ნუთუ ამდენ ხანს ვერ წაიკითხა?

— არა, ეს დღეს დილით მიიღო.

— აჰ, ღმერთო ჩემო! იქნებ გაათავა კითხვა, ბ-ნო პეტრე?

— აბა რასა ბრძანებთ. ისეთი საშიშარი წერილია, ისეთი მძიმე საკითხავი.. ამასთან უნდა მოგახსენოთ, რომ სოლომონს სათვალეები დაეკარგა გუშინ, ბაღში ჭიდაობის დროს და თითო მარცვლობით კითხულობს.

— მაშ რა წყალში ჩავარდე, ბ-ნო პეტრე?

— წაიყვანეთ სხვა ვინმე, განა ცოტანი არიან?

— არა, არა.. ჩემს გასაჭირს სხვა ვერავინ უშველის..

მე ბრავ მორეული და გააფთრებული უკან გამოვბრუნდა. ბედი ბ-ნი ეშმაკისა, რომ გზაში არსად გადამეყარა, თორემ ცოცხალი ვერ გადამიჩებოდა. მომასწრეს!


ვზივარ დღესაც დაღვრემილი ჩემს ოთახში და ფეიქრობ: რა დასკვნა შეიძლება გამოიტანოს ამ ფელეტონიდან ჩემმა მკითხველმა? ჩემის აზრით მხოლოდ ერთად ერთი, სახელდობრ:

თუ მას ამ სააღდომოთ ჩემი დაპატიება გადაწყვეტილი აქვს, ბარემ დროზე უნდა გამაფრთხილოს, თორემ სხვები მოასწრებენ.

მორიელი.

### ქუთაისი.

ქუთაისის მცხოვრებთა დიდი უმრავლესობას სამი ტომი შეადგენს, რომელთა ტიპიურ წარმომადგენლებს აქვე გაახლებთ:



სოციალ-დემოკრატი.



ს-ციალ-ფედერალისტი.



ნაციონალ-დემოკრატი.

### გურული სცენა.

„ვეჩხრედი“.

ამას წინაღ ბატონო, საქმე მქონდა სამინისტროში თელი სამი საათი ვიზუალურ კადენტსკი კოპრუსში მარა არ იქნა და არა მისი მიგნება. ბოლოს მივედი ერთ კარებთან, კაცები იყო თავმოყრილი. დამანახეს დერჯუნი ჩინონიკი და უთხარი მინისტრის ნახვა მინდა მეტქი...

— დღეს დაგვიანებულია. ვეჩრედი სავსეა, მეტის ჩაწერა აღარ შეიძლება და ზეგე მოდიო...

— კი მარა ზეგამდი რა ვკამო ბიძია, ამ ქალაქში ყორიფელს ცეხლი ეკიდება, რაცხა ვორა კაპეიკი მაქ ივიც დიმეხარჯება და გზის ფულიც აღარ მექ-



რუსის გლეხი (ლენინსა და ტროცკის). ითამაშეთ... აკეთეთ ეგ ქალაქის სოციალიზმი! უფროხილდით კია, რომ სული არ შეეუბერო!

ნება, ნუ მიზამ მაგას და შემოიშვი რაცხა ფერად მე-  
თქი.

— თქვენ გელაპარაკებთან, არ შეიძლებაო.

— არ შევქამ ძამია მინისტერს, არჩევნებში ჩვენი  
ვოჯახიდან ცხრაბა სულმა მივიციტო ხმაი და რომ  
რამე გლახა გვდომებოდა, მაშინ არც ქე ვვირჩე-  
ვდით, თქვენ აქანე გყავთ ყოოლდლე და ერთი მეც  
მიჩვენეთ ჩვენი არჩეული კაცი მეთქი, მარა თქვენც  
არ მომიკვდეთ, ვეფერით ვერ დევიყოლიე...

მივედი მესამე დღეს ჩივეწერე და ვუცდი: რა-  
ვარც იყო იპრიანა ღმერთმა და მევიდა დერჟუნი,  
დაგვიძახა ყველას და გვითხრა: დღეს მინისტერი  
არ არის და მისი აუხანაკი მიგიღებთო... შენ ხომ  
არ გადირიე ძამია ვინცხა ხარ? მე, თვითონ მინი-  
სტერი მინდა ვნახო თვარა, რამდონი აუხანაკი იმას  
ყავს იგენი რათ მინდა სოფელშა, რომ დეიარებოდა  
კრებებზე მეც მისი აუხანაკი ვიყავი თქვა.

— ასთე კია და რაც გერჩიოს, იგი ქენიო...  
აუღეჭი და წამოვედი ზაფრა ნაცემი მარა ჩემს გუ-

ლში გადავწყვიტე: თუ გინდა რომ კილომ იძრას  
მიწა და თლად დეინგრეს ყორიფელი, მინისტერი  
მინც უნდა ვნახო და ველაპარაკო, მტერის ჯინაზე  
თვარა ახლა რომ ჩევიდე და ჩემმა მეზობლებმა გე-  
იგონ, რომ მინისტერთან არ შემაშვეს, ხომ მომე-  
ქრა თავი. აუღეჭი და მესამე გზობა პირდაპირ გა-  
დაკოტავებული წივედი საჩხუბრათ მარა ახლა ვი-  
ნცხა სხვაი დაახვდა დერჟუნი... მივედი თვარა მა-  
შვინე მკითხა:

რა გინდა?

— მინისტერი.

— რად გინდა?

— საქმე მაქ.

— რა საქმე გაქ?

— ბატონო, შენ თუ გითხარი, იმას რაღა უთ-  
ხრა?

— არა. მე უნდა ვიცოდე რა საქმე გაქ, თვარა  
ისე შესვლა არ შეიძლება.

— აბა შენ ყოფილხარ მინისტერი?



ერთი რუსი იხრჩვებოდა,  
წყალს მიჰქონდა აღელვებულს,  
ქართველმა მას თვალი მოჰკრა  
და უშველა წყალწაღებულს,



სამშვიდობოს ამოსულმა  
რუსმა ღვაწლი დაუფასა:  
ჯერ რუსულად შეუკურთხა,  
და კვლავ მიაფურთხა მასა.

— მინისტერი არ ვარ მარა „პრაკაზი“ ამისთანა მაქ.

უთხარი და რაღაც იყო ჩამწერა, მუაწია ღროი დაგვიძახეს და ყველაზე წინ დამაყენეს კარებთან და ვიფიქრე, მართალია აგერ ამდონი ხანი გავცდი, უკაცრავად პასუხია, ფარაც შამომელია, შეიძლება საქმეც ვერ გავაკეთო, მარა ამ დერჯუნების ჯინზე მინისტერს მაინც ვნახავ და გულს შევაჯერებ მე-აქი...

— აბა ში... მეიცე, მეიცე, პაწე, აგერ დამ-ფუნებული კრების მწვერი შევიდა და მაგი უჯერე-

რედოთ უნდა შევიდესო. შევიდა იგი და ახლა მო-ორე ამებუძგა წინ. აგი ერობის წამომარდგენელია და აგიც ისე უნდა შევიდესო, იგიც შევიდა. ახლა ვინცა მესამე შევიდა... მაშინ გამოშვავდა წვერი, წამომარდგენელი, დელეგატი დიპლომატი, კომი-ტეტი, აღლკატი. ამასობაში ღროიც ქე გევიდა. მინისტერს მთავრობაში დაუძახესო. იგიც ქე წე-ვიდა და მე და ჩემი „ვეჩერელი“ ქე დავრჩით ერის-თავის საქფილესავით ცარიელი.

რ. ჯიბილ.

### შორსმჭვრეტელი პოლიტიკა.



**ემეკი.** (თავუნას. ჩუმად, რასაკვირველია) ეგ რა ჯოჯოხეთის მაშხალა გიშოვნია დაეაღერსები, მეგობარო?

**თავუნა.** (საიდუმლოთ) შენ არ იცი ალბათ, რომ ამ მაშხალის ძმა<sup>ა</sup>დიდი თანამდებობის კაცია და...

### ხელშეუხებლობა.

აფსუს, რა კრიალოსანივით აწყობილი ოჯახი, რა უცეცხლო თავლივით ტკბილი ოჯახი დამექცა და დამელუბა! აფსუს ჩემი ჩორნოგლაზი ევა! თვალში რომ ჩავვარდნოდი, ხელს არ ამოისომდა, მაგრამ ეხლა თუ „უბატონოთ“ ხმა გავეცი, რომ მომადგება იმ ტუფლის ქუსლებით, იმდენს მიბრაუნებს, სანამ ორივე ქუსლებს ძირში არ მოაგლეჯავს! მერე, ამ სიძვირის დროს ხალხნო, თავი ვიჩვილო, თუ ტუფლი, რომ აღარ ვიცი!

იძახის თუ: „მე სლაბოდნი ვარო, ნებრიკოსლოვენო, ხელს ვერ მახლებო. ეს მანიფესტი მთავრობამ გვიბოძა“.. ვაი, ჩემი ცოდით დაიბრუკოს, ვინც ეს ხელუხლებობის მანიფესტი გამოცა! რა-

ვქნა, ენა ჩავარდნილი მაქვს... გავიგდო ჩემებურათ წიხლქვეშ და მოვთელო ლეკური ნაბადივით, ხომ გამგზავნენ ვენის სტარასტათ მეტეხის ციხეში, არა და რა ვქნა, როგორ მოვითმინო ასეთი უნიენია! ბატონია რაღა, ხემწიფეა, პრეზიდენტი ჩემი! სადაც უნდა წავა, მოვა, როცა უნდა ადგებ-დაწვება, ვინც უნდა იმას შამამიგდებს სახლში და მე შორიდან იესო ქრისტეს ჯორივით ყურებ ჩამოყრილი უყურებ და ხმას ვერა ვსცემ!..

ეპ... აფსუს, ჩემი ხოხობივით წყნარი ევა, როგორ შამიშალეს და გადამირიეს, როგორ ჯოჯოხეთის ტარტაროზათ გადამიქციეს!

ეხ... განა მე დედაკაცი ამეებს გამიბედავდა, რომ სხვები არ უჩუჩუნებდნენ და არ აქვებდნენ!!!.. მაგრამ.. ეს ყველაფერი ჩვენ პრავეიტელსტვას ბრალია. იმ დალოცვილებმა მისცეს ზედი-ზედ

# აბესალომ და ეთერი.



აბესალომი (მღერის) რა ლამაზი ხარ ეთერო!  
 რა მომხიბლავი ფერისა!..  
 სალოცველია კაცთაგან  
 ფერფლიც შენ ფეხთა მტვერისა!|

ამ დედაკაცებს: ეს სლაბოდნობაო, ეს რავნობრა-  
 ვიაო, ეს ნებრიკოსლოვნობაო და იმათაც ფრთე-  
 ბი შაისხეს და საითაც უნდათ იქით დაფრინავენ!  
 ვა, ვა, ვა, განა ამას ვიფიქრებდი, რომ ეს  
 დღე დამადგებოდა! მერე, რა გამეხარდა, კაცო, ეს  
 ხელუხლებობის მანიფესტი რომ გამოაცხადა ჩვენ-  
 მა პრაფიტელსტვამ! მე ვიფიქრე, ეხლა კი გავკეთ-  
 დი კაცი! ის ვილაც კუდაბზიკა კავალრები რომ

ელრიკებოდნენ ჩემს დედაკაცს ჩამოშორდებიან,  
 ხელს ვერ შევხლებენ და ჩემთვის, სობსტვენათ,  
 გუგულივით ვიცხოვრებ მეთქი!  
 ხალხნო, ეს სადაური სლაბოდნობაა, სადაური  
 დეკრენტია, სადაური მანიფესტია, რომ დედაკაც-  
 მა ვისაც უნდა იმას ვარშიყოს, სადაც უნდა იქით  
 გაფრინდ-გამოფრინდეს და მე სობსტვენი ქმარმა,  
 ზაკონი გენიხმა ხელი ვერ შევხლო და მიკიჩასა-

სავით შორიდან სვიდეტელივით უყურო?! ვაი, აფსუს გეურქ, აფსუს! ქრისტიანო, დედაკაცზე ჯვარი მე დამიწერია და ჩემ სობსტენი ცოლს ხელი ვერ შევახო ეს სადაური ზაკონია?! მაშ სალოცავათ ხომ არ მომიყვანია ეს დედაკაცი! ვახ, როგორ ვიწვი, რა ცეცხლი მიტრიალებს ჯივარში, მაგრამ ვინ არის შამბრალებელი! ოოხ... ამ ზაკონს რა უთხრა!

ხალხნო, ქრიატიანო, ნუ დამხრუკაძთ, იწამით ღმერთი, მოვითხოვოთ სრაზუმ ყველამ ჩვენი პრავიტელსტვოდან, რომ ეს ერთი მანიფესტი გააუქმოს და ნება მაშეცეს ჩემი დედაკაცის ხელის ხლებისა, თორემ ქრისტეს გეფიცებით ფანთ რამეს ჩავადენ და თქვენი სირცხვილიც იქნება!..

გოგია.

### ბათუმის ოპერაცია.



საქართველო. ნუ მკრით, ნუ მკრით.. სალია.

ანტანტა. გაჩუმიდი, ჩემო კარგო, შენი სარგებლობისათვის გკრით, ერთი ცალი ჩექმა დაგჭირდება.